



St.prp. nr. 19

(2002–2003)

Om endringar av løyvingar på statsbudsjettet 2002 under Barne- og familiedepartementet

Tilråding frå Barne- og familiedepartementet av 15. november 2002, godkjend i statsråd same dagen. (Regjeringa Bondevik II)

1 Innleiing

I denne proposisjonen legg Barne- og familiedepartementet fram endringsforslag på statsbudsjettet for 2002 i samsvar med pkt. 2 nedanfor.

2 Endringsforslag

Kap. 800 Barne- og familiedepartementet

Post 21 Særskilde driftsutgifter

På kap. 800 Barne- og familiedepartementet, post 21 Særskilde driftsutgifter er det eit meirbehov på 2 mill. kroner som kjem av at tiltak av førebels karakter i realiteten vert utført av departementet, men vert finansiert over ulike fagkapittel. Tiltaka vert såleis dekte innanfor den samla ramma til departementet. Dette gjeld i hovudsak midlar til ulike utval og utlån av tenestemenn til europeiske organisasjonar. Ei slik teknisk overføring inneber ikkje ei svekking av dei faglege føremåla på kapitla. Midlane vert budsjetterte over fagkapitla, men må omposterast til driftskapitlet fordi mellom anna løn og anna godtgjersle etter økonomireglementet må utbetalast over driftskapitlet.

Departementet gjer derfor framlegg om å auke

kap. 800 Barne- og familiedepartementet, post 21 Særskilde driftsutgifter med 2 mill. kroner mot ei innsparing på 0,920 mill. kroner frå kap. 841 Familievern og konfliktløsning, post 22 Kompetanseutvikling og opplæring, meklingskorpset o.a., 0,650 mill. kroner frå kap. 854 Tiltak i barne- og ungdomsvernet, post 71 Utvikling og opplysningsarbeid o.a., *kan nyttast under post 50* og 0,430 mill. kroner frå kap. 857 Barne- og ungdomstiltak, post 73 Ungdomstiltak i større bysamfunn, *kan overførast.*

	(i 1 000 kr)
Rekneskap 2001	2 999
Løyvt beløp 2002 inklusive tidlegare løyving om tillegg	2 943
Forslag til omdisponering	2 000

Kap. 840 Tilskot til krisetiltak

Post 60 Tilskot til kommunar til krisetiltak, overslagsløyving

Statstilskotet er eit øyremerkte tilskot til kommunane til drift av krisetiltak (krisesenter, incestsenter o.a.). I samsvar med budsjettvedtaket i Stortinget

skal staten yte 50 pst. av dei samla budsjetterte utgiftene til drifta, såframt budsjettet til krisetil-
taket er i balanse og godkjent av vertskommunen
(den kommunen der krisetil-
taket ligg). Dei res-
terande 50 pst. av budsjetterte utgifter dekkjer lo-
kale og regionale bidragsytarar. På bakgrunn av
innkomne søknader frå kommunane har det vist
seg at løyvinga ikkje er tilstrekkeleg til å dekkje
det faktiske behovet.

Departementet gjer framlegg om at kap. 840,
post 60 vert auka med 5,6 mill. kroner for 2002.

	(i 1 000 kr)
Rekneskap 2001	54 348
Løyvt beløp 2002 inklusive tidlegare løyving om tillegg	53 712
Forslag til tilleggs-løyving	5 600

Kap. 852 Adopsjonsstøtte

Post 70 Tilskot til foreldre som adopterer barn frå utlandet, overslagsløyving

Tilskotet skal vere med på å motverke ei skeiv
sosial fordeling av adopsjon knytt til foreldra sin
økonomi på grunn av dei høge kostnadene ved
adopsjon frå utlandet. Stønaden til foreldre som
adopterer barn frå utlandet var i 2002 på 22 500
kroner per barn. Tilskotsordninga vert forvalta av
Barne-, ungdoms- og familieforvaltninga (BUFA).

For 2002 indikerer BUFAs prognose eit meir-
behov på 2,9 mill. kroner. Årsaka til at utbetalingane
i år ligg høgare enn venta, er verknaden av tiltak
hausten 2000 for å byggje ned restansar. Tiltaka
inneber at mange fleire søkjarar enn tidlegare fekk
førehandssamtykke til adopsjon av barn. Det ser ut
til at dette har hatt ein meir langvarig effekt på kor
mange som har kome enn det som er lagt til grunn
i statsbudsjettet for 2002. Erfaring tilseier at det
mot slutten av året også vil vere eit sterkt press frå
adoptantane for å få utbetalingane før året er ute.

Departementet gjer framlegg om at kap. 852,
post 70 vert auka med 2,9 mill. kroner for 2002.

	(i 1 000 kr)
Rekneskap 2001	16 745
Løyvt beløp 2002 inklusive tidlegare løyving om tillegg	15 330
Forslag til tilleggs-løyving	2 900

Kap. 854 Tiltak i barne- og ungdomsvernet

Post 01 Driftsutgifter – Fylkesnemndene for sosiale saker

Utgiftene i samband med saksavviklinga utgjer ein
stor del av kostnadene i fylkesnemndene. Saksvo-
lumet vil derfor i stor grad styre kostnadene til
fylkesnemndene. Talet på saker i fylkesnemndene
auka med nesten 10 pst. frå 2000 til 2001. Også frå
1999 til 2000 var auken stor. Ein auke i sakstilfan-
get ser ut til å vere tendensen. Det inneber behov
for større ressursar til sakkunnige for å kunne be-
handle sakene innan dei fastsette tidsfristane.

Restansen i fleire av fylkesnemndene er uak-
septabelt høge og første halvår 2002 viser ein sam-
la saksauke på 7 pst. Basert på at saksmengda i år
har vore langt større enn venta, er det eit meirbe-
hov på 4 mill. kroner.

Departementet gjer framlegg om at kap. 854,
post 01 vert auka med 4 mill. kroner for 2002.

	(i 1 000 kr)
Rekneskap 2001	69 594
Løyvt beløp 2002 inklusive tidlegare løyving om tillegg	68 907
Forslag til tilleggs-løyving	4 000

Kap. 854 Tiltak i barne- og ungdomsvernet

Post 64 Tilskot for einslege mindreårige flyktningar og asylsøklarar, overslagsløyving

Posten dekkjer det særskilde tilskotet til kommu-
nane på 93 000 kroner per barn per år, dessutan
refusjon av fylkeskommunen sine barnevernutgif-
ter til einslege mindreårige flyktningar og asylsø-
kjarar. Ordninga er regelstyrt og posten er ei over-
slagsbevilling. Talet på einslege mindreårige som
har kome til landet ser ut til å auke langt meir frå
2001 til 2002 enn tilfellet var frå 2000 til 2001. Det
er venta at talet på einslege mindreårige aukar til i
overkant av 500 i år (mot 444 i 2001).

Bevillinga til einslege mindreårige flyktningar
og asylsøklarar vart styrkt med 34,3 mill. kroner i
RNB 2002, slik at bevillinga totalt er på 204,7 mill.
kroner. Per dags dato har det kome inn refusjons-
krav frå fylkesmennene på 191, 5 mill. kroner. Pro-
gnosar frå UDI og opplysningar innhenta frå fyl-
keskommunane gjev eit samla behov i 2002 på 214
mill. kroner.

Departementet gjer framlegg om at kap. 854,
post 64 vert auka med 9,3 mill. kroner for 2002.

	(i 1 000 kr)
Rekneskap 2001	161 821
Løyvt beløp 2002 inklusive tidlegare løyving om tillegg	204 732
Forslag til tilleggsloyving	9 300

Kap. 2530 Fødselspengar og adopsjonspengar

Post 70 Fødselspengar til yrkesaktive, overslagsloyving

Utgiftene til fødselspengar er rekna til 7 850 mill. kroner, 144 mill. kroner meir enn løyvinga i saldert budsjett. Meirutgiftene kjem hovudsakleg av 1,5 pst. høgare lønnsvekst frå 2001 til 2002 enn det som er lagt til grunn. Auka uttak av fedrepermisjon, til dels som følgje av sjølvstendig oppteningsrett til fødselspengar for fedrar frå 1.7.2000, gjev òg høgare utbetaling per barn.

Departementet gjer framlegg om at kap. 2530, post 70 vert auka med 144 mill. kroner for 2002.

	(i 1 000 kr)
Rekneskap 2001	7 513 981
Løyvt beløp 2002 inklusive tidlegare løyving om tillegg	7 706 000
Forslag til tilleggsloyving	144 000

Kap. 2530 Fødselspengar og adopsjonspengar

71 Eingongsstønad ved fødsel og adopsjon, overslagsloyving

Ein reknar med at det vert utbetalt eingongsstønad til 12 140 personar i 2002, om lag 580 færre enn det som var lagt til grunn i saldert budsjett. Utgiftsoverslaget er på 392 mill. kroner.

Departementet gjer framlegg om at kap. 2530, post 71 vert redusert med 18 mill. kroner for 2002.

	(i 1 000 kr)
Rekneskap 2001	420 197
Løyvt beløp 2002 inklusive tidlegare løyving om tillegg	410 000
Forslag til tilleggsloyving	- 18 000

Kap. 2530 Fødselspengar og adopsjonspengar

Post 72 Feriepengar av fødselspengar, overslagsloyving

Utgifter til feriepengar av fødselspengar er rekna til 227 mill. kroner, 4 mill. kroner meir enn løyvinga i saldert budsjett, som følgje av meirutgiftene under post 70 Fødselspengar. Feriepengane utgjør normalt om lag 3 pst. av utgiftene til fødselspengar året før.

Departementet gjer framlegg om at kap. 2530, post 72 vert auka med 4 mill. kroner for 2002.

	(i 1 000 kr)
Rekneskap 2001	211 373
Løyvt beløp 2002 inklusive tidlegare løyving om tillegg	223 000
Forslag til tilleggsloyving	4 000

Kap. 2530 Fødselspengar og adopsjonspengar

Post 73 Adopsjonspengar o.a., overslagsloyving

Utgiftene til adopsjonspengar er rekna til 138 mill. kroner, 32 mill. kroner meir enn løyvinga i saldert budsjett. Meirbehovet kjem av både fleire adopsjonspengetilfelle og høgare utbetaling per tilfelle enn det som er lagt til grunn for løyvinga.

Departementet gjer framlegg om at kap. 2530, post 73 vert auka med 32 mill. kroner for 2002.

	(i 1 000 kr)
Rekneskap 2001	110 939
Løyvt beløp 2002 inklusive tidlegare løyving om tillegg	106 000
Forslag til tilleggsloyving	32 000

Barne- og familiedepartementet

tilrår:

At Dykkar Majestet godkjenner og skriv under eit framlagt forslag til proposisjon til Stortinget om endringar av løyvingar på statsbudsjettet for 2002 under Barne- og familiedepartementet.

Vi HARALD, Noregs Konge,

stadfester:

Stortinget blir bedt om å gjere vedtak om endringar av løyvingar på statsbudsjettet 2002 under Barne- og familiedepartementet i samsvar med eit vedlagt forslag.

Forslag

til vedtak om endringar av løyvingar på statsbudsjettet 2002 under Barne- og familiedepartementet

I

I statsbudsjettet for 2002 blir det gjort følgjande endringar:

Utgifter:

Kap.	Post	Kr
800	Barne- og familiedepartementet	
	21 Særskilde driftsutgifter, vert auka med frå kr 2 943 000 til 4 943 000	2 000 000
840	Tilskot til krisetiltak	
	60 Tilskot til kommunar til krisetiltak, <i>overslagsløyving</i> , vert auka med frå kr 53 712 000 til 59 312 000	5 600 000
841	Familievern og konfliktløysing	
	22 Kompetanseutvikling og opplæring, meklingskorpset o.a., reduserast med frå kr 10 000 000 til 9 080 000	920 000
852	Adopsjonsstøtte	
	70 Tilskot til foreldre som adopterer barn frå utlandet, <i>overslagsbevilling</i> , vert auka med frå kr 15 330 000 til 18 230 000	2 900 000
854	Tiltak i barne- og ungdomsvernet	
	01 Driftsutgifter – fylkesnemndene for sosiale saker, vert auka med frå kr 68 907 000 til 72 907 000	4 000 000
854	Tiltak i barne- og ungdomsvernet	
	64 Tilskot for einslege mindreårige flyktningar og asylsøkjjarar, <i>overslagsløyving</i> , vert auka med frå kr 204 732 000 til 214 032	9 300 000
854	Tiltak i barne- og ungdomsvernet	
	71 Utvikling og opplysningsarbeid o.a., <i>kan nyttast under post 50</i> , vert reduisert med frå kr 38 516 000 til 37 866 000	650 000
857	Barne- og ungdomstiltak	
	73 Ungdomstiltak i større bysamfunn, <i>kan overførast</i> , vert redusert med frå kr 18 539 000 til 18 109 000	430 000

Kap.	Post	Kr
2530	Fødselspengar og adopsjonspengar	
	70 Fødselspengar til yrkesaktive, <i>overslagsløyving</i> , vert auka med frå kr 7 706 000 000 til 7 850 000 000	144 000 000
2530	Fødselspengar og adopsjonspengar	
	71 Eingongsstønad ved fødsel og adopsjon, <i>overslagsløyving</i> , vert redusert med	18 000 000
	frå kr 410 000 000 til 392 000 000	
2530	Fødselspengar og adopsjonspengar	
	72 Feriepengar av fødselspengar, <i>overslagsløyving</i> , vert auka med frå kr 223 000 000 til 227 000 000	4 000 000
2530	Fødselspengar og adopsjonspengar	
	73 Adopsjonspengar o.a., <i>overslagsløyving</i> , vert auka med frå kr 106 000 000 til 138 000 000	32 000 000

